

ICA EXPATICA TAJCUILOLAMATZIN TEN QUINIJCUILOHUILIJ IN TATITANIL SAN JUAN PARA IN TANELTOCANI DE NOCHI SENMANAHUAC

In tatitanil San Juan quicualtagapohua in Gayo

¹Nejua ya ni Juan
nitiopanhuehuentzin huan
nitayecanque den taneltocani;
nimitzijcuilohuilía tejuatzin
ten tinotasojicni Gayo, ten
nimitzyectasojta.

²Notasojicnitzin, nimotatautilía
ihuan Dios ma Yejuatzin
mitzpalehuijtiu tech monemilis huan
no ma cuali xionpacto, ijcón no queme
motacuautamatis ma moscaltijtiu
tech motalnamiqulis. ³Huan semi
niyolpaquic cuac hualajque sequi
tocnihuan nechcalpanocoj huan
nechmatiltijque de tejuatzin de que
tejua se titacuautamcatagat huan
tiyecchipaucanemi itech in melahuac
Tajtoltzin. ⁴Huan amo teyi ongac ocsé
paquilis ten cachi nechpactía cuac
nicaqui que noconeahuan taneltocani
de que chipaucanentinemij itech in yec
melahuac Tajtoltzin de Dios.

⁵Notasojicnitzin, cuali ticchihua
queme se tacuautamcatagat cuac
tiquinpalehuía in taneltocani. Huan
cachi cualtzin ne tapalehuilis cuac
tiquinpalehuía in taneltocani ten

ocseco cayome. ⁶Nojón tocnihuan
techtapohuijque nican taixpan
den taneltocani queniu tejua
tiquintasojtac. Huan cachi oc
xitechonchihuili se cualtagayot de que
no xiquinpalehuijtiu ne taneltocani
ten quinpolea tech ninjotocalis, ijcón
queme Dios quimonequiltía. ⁷Huan
nojón tocnihuan moquetzteuque
huan motequitiltijque sayó porín
quitasojtaj Jesucristo. Huan amo teyi
quiseluteuque tapalehuilis de neques
ten amo quixmatij Dios. ⁸Ica ya nojón
tejuan technamiqui tiquinselisque huan
tiquinpalehuisque nojón tocnihuan,
porín yejuan no totequiticaicnihuan
tech in tamachtilis den melahuac
Tajtoltzin de Dios.

Diótreres techixnamiqui

⁹Niquinjcuilohuilía se amat in
taneltocani campa tejuatzin tionyetoc.
Huan Diótreres quiselij noamau
pero amo quitacamatij totanahuatil,
porín yejua quinequi mopohuas
tayecanque ninuan. ¹⁰Ica ya nojón
tacán niyás namechcalpanotiu nejua
nicyequixilis ne Diótreres de queniu
yejua techtajtolchihuiliytinemi huan
no de queniu toca xolopijtiytinemi.

Huan amo sayó jejua nojón quichiutoc in Diótrefes. Ta, no amo quinselía in tocnihuan ten ajsij ompa. Huan quintacahualtía in taneltocani ma amo quinselican ne ogyani. Huan no quincalanquixtía in taneltocani ten quinequij quinselisque ne tocnihuan ogyani.

¹¹Notasojicniu, amo xicchiutinemi ijcón queme ne ocsequin ten quichiutinemij ten amo cuali. Ta, xicchihua ten cuali. Nochi neques ten quichihua ten cuali, yejuan nojonques ne pohuij ihuan Dios; huan neques ten quichihua ten amo cuali, yejuan nojonques Dios amo quinixmati.

In chipaucanemilis de Demetrio

¹²Nochi in tocnihuan techyectapohuáj que Demetrio chipaucanemi. Huan no in Tajtoltzin

de Dios quiyecnextía que Demetrio chipaucanemi. Huan nejua no ijcón nicyetenehua que Demetrio chipaucanemi; huan namejuan nanquimatocque ya que yec melau ten tamechilía.

Tajtolme tenica tamis in tajcuilolamatzin

¹³Míac tensá nicpía oc para nimitzilis, pero amo nicnequi nimitztajcuilohuilis ica tinta huan ica pluma san. ¹⁴Porín nejua nicnequi nimantzin nimitzitas. Huan cuac niajsis ya, ijcuacón timosepannojnnotzasque.

¹⁵Huan xicpía yolsehuilis. Huan in totasojicnihuan de nican mitzontajpaloaj. No nicnequi xiquinontocaytajpalo nochi in totasojicnihuan ten mohuan yetocque.